

# Powšitkowne WOZJEWJENJA

njedźelu, 15. julija 2018

## **Kemše w Krupce**

Na putniku Božu mšu srjedu, 25. julija, w 10 hodź. w Krupce pojedže zaso bus. Štóz chce sobu jěc, njech so najpozdzišo hač do póndžele, 16. julija, w Šmitec wozydłownistwje w Radworju přizjewi, telefonowe čisło (03 59 35) 28 60.

## **Nóc tysac swěčkow**

Na zahrodze klóštra Marijineje hwězdy w Pančicach-Kukowje dožiwja wopytowarjo sobotu, 21. julija, wot 19 hodź. zaso nóc tysac swěčkow. Hač do zaswěćenja swěčkow budže pisany program. Tež za džěci je mnoho zajimaweho spřihotowane. Wšitcy su wutrobnje přeprošeni.

## **Swjata spowědź w Róžeńce**

Wšitcy, kotřiž chcyli porciunkulski wotpusk dobyc, maja mjez druhim w Róžeńce składnosć, sakrament swjateje spowědže přijec, a to sobotu, 28. julija, wot 17 do 18 hodź. Spowědnicy budu fararjo Michał Anders, Ščěpan Delan a Beno Jakubaš kaž tež kapłan dr. Jens Buliš.

## **Nyšpor za dwoje pišće**

We wobłuku Łužiskeho hudźbnego lěča wotměje so sobotu, 28. julija, w 17.15 hodź. w Budyskej tachantskej cyrkwi wosebity hudźbny nyšpor za dwoje pišće. Zahrajtaj cyrkwinskohudźbny direktor Friedemann Böhme (w katolskim džělu) a student hudźby w Lipsku Johannes Kral (w ewangelskim džělu). Zaklinča twórby Antonija Solera, Aurelija Bonellija a prapremjera kompozicije Feliksa Brojera, kotraž nastaj jako nadawk Łužiskeho hudźbnego lěča. Zastup je darmotny, prosy so wo kolekty. Dalše informacije pod: [www.lausitzer-musiksommer.de](http://www.lausitzer-musiksommer.de).

## **Šolowy dzeń**

Na lětušim swójbny popołdnu njedźelu, 26. awgusta, wobrubu projektowy chór serbskich džěci zakončacy nyšpor. Zajimowane džěci su wutrobnje přeprošene sobu spěwać. Proba budže sobotu, 18. awgusta, wot 9 hodź. hač do 14 hodź. w Don Boskowym Domje we Worklecach. Witane su tež te džěci, kotrež njejsu w meji sobu spěwali.

## **Mandželski seminar**

Přizjewjenja za přihot na sakrament mandželstwa wot pjatka do soboty, 30. nowembra do 1. decembra, w Smochćicach přijimuju pisomnje hač do srjedy, 7. nowembra, w Dekanatnym dušepastyrstwje we Worklecach. Formulary k tomu su w cyrkwjach wupložene.

## Znowa Gig-festiwal w Różeńće

W Różeńće wotměje so wot pjatka do njedźele, 27. do 29. julija, Gig-festiwal. Wón zahaji so pjatk we 18 hodź. z Božej mšu w hnadownej cyrkwi. W 21 hodź. pokaza so film „Outcasts“, kotryž rozprawja wo dźěle franciskanow wobnowjenja z New Yorka. Sobotu wot 17 hodź. je koncert ze wšelakimi mjezynarodnymi skupinami. Mjez nimi budže rockowa skupina The Thirsting z USA runje tak kaž serbska skupina Jankahanka, Kaplan Kuba z Pólskeje, Edwin Fawcett a gospelowy chór z Jendźelskeje. Za kóždoho budže něšto pódlu – pop, soul, rap a rock kaž tež kabaret, zdžělichu zarjadowarjo. Swjatočnu Božu mšu njedźelu, 29. julija, w 10 hodź. sćelak Radio Horeb originalnje přenjese. Budže to tón dzeń jenička njedźelna Boža mša na hnadownym městnje. Kemšam přizamknje so brunch z hudźbu na jewišću. Zdobom da Torsten Hartung swědčenje. W 13 hodź. zahraje tam serbska skupina „Sorbian Art Trio“. W 14 hodź. přednošujetaj Sam & Miriam Randall z Jendźelskeje w stanje, kak staj so zahorjenaj katolikaj stałoj. W 19 hodź. budže eucharistiski nyšpor w cyrkwi. Z bjesadnym wječorom so Gig-festiwal zakónči. Wšitcy – młodostni runje tak kaž starši a swójby z dźěćimi – su wutrobnje do Róžanta přeprošeni. Nadrobny program je w interneće pod [www.gigfestival.de](http://www.gigfestival.de) wozjewjeny.